


Vg
3471





S 14.

etiam antea in Imperium!

Q. XVII, 290^a

(Kob. S. 14^b)
(Acc. f. 1882/83 No. 3394)







7. 24. 751.

Eine Schrifft Philip. Melanth.
Latinisch gestellet zu Schmal-
kald/Wider den unreinen Papsts Celibat /
vnd verbot der Priester Ehe / ver-
deutsche durch

Justum Jonam Sacerdotem /
Welcher igund wider den Papst vnd sein
Decret/zum ander mal sich in heiligen
Ehestand begeben hat.



M. D. XLIII.

3394



177

Faint, illegible text, likely bleed-through from the reverse side of the page.



7. 552.

An den Christlichen Leser /
J. Jonas P. W. S. Hall.

Gnad vnd friede Gottes in Christo.



Lese schrift vnd
buch des herrn philippi Mel-
lane. von dem scheuslichen
vnflat zu Rom / vnd auff den
Stifften / von der vnkeuschen
keuscheit des Papsts vnd der
seinen / wird von etlichen an-
gesehen werden / als sey es zu
scharff / bitter / hefftig zu
hart / vnd viel zu geschwindel

Wer aber weis gelegenheit von der Pfaffen Mön-
chen vñ Nonnen keuscheit / von den Tyberianis Coe-
nis zu Wirzburgk / Bambergk etc. der gleichen / von
andern sachen / welche man züchtig nicht nennen
kan / Wer auch betracht / wie Daniel / den Antichrist /
so grewlich abmalet / das er inen mit diesen worten
contrafiet / er werde frawen liebe nicht achten / Item
wer die ernstigen predigt Pauli bedenckt / da er. 1. Ti-
moth. 4. die lere von verbot des Ehestands Teuffels
lere nennet / vnd Satanisch heuchley / der wird sa-
gen / dis buch sey noch viel zugelinde / vnd den heu-
lichen grewel / der Römischen vnzucht / vnd die
heimlichen stummen sünde / schandlaster / Gomora-
rischen / heimlichen vnflat der Stifte / Mönche vnd
Nonnen Kloster / könne kein menschlich zunge /
hefftig / herbe vnd scharff gnug straffen vnd schel-
den / vnd wird bekennen das alle Christen schuldig
A ij sind

3825
sind von dem heiligen Ehestand (bey jr seelen selig-
keit) in allen Stenden /zeiten vnd Personen /ehrlich
vnd wol zu reden / das ist Gottes werck / zu ehren / zu
preisen zu loben / alle affterrede / da wider zuhin
dern / dagegen des Teuffels werck zuuerdammen /
Gott lob / das / ab anno dñj. xxj. sieder dem herrn
Bartholomeo Bernard / Probst zu Kemberg / viel
tausent Priester vnd Mönchen sind Ehelich
worden / da ich nach dem selbigen herrn Probst der
ander oder je drit ehelich priester ward / in gantzer
Deudsch Nation / des ich Gott danck / vnd vor ein
gros ehre / achte / vnd erbarmet mich so viel alter
grawer / Thumherrn auch grosser Kirchenregenten /
die in scortation in sunden schanden / sieder gelebt
darinne gestorben vnd vortorben vnd noch verder-
ben / Gott wehre dem geist Antichristi / vnd helff
das iderman vom heiligen Ehestand ehr /
lob / vnd preis lere vnd rede / wie
Gott befohlen vnd haben
wil / **AMEN.**

754
Eine Schrift Philip. Melancth.

Von der Priester ehe / Das sie wider alle Götts
liche vnd natürliche Rechte / vnd alle
gewonheit vnd brauch der
Kirchen verboten ist.

In diesem Artikel von der
Priester Ehestand / sagen die Könige / Für
sten / Potentaten vnd grosse Herren / vnd be
kennen selbs / das sie so hart / vber dem verbot / der
Priesterehe / nicht vmb einiger Religion oder heilige
keit willen halten / sondern / das der Celibat / oder
Ehelos leben / ein solcher Sand ist / in welchem
leichtlich die Bischoffe / Prelaten ire reichthümer /
vnd in der Könige vnd grossen Herrn höfen / vnd
sonst ire herligkeit / vnd pracht erhalten können.

Denn es ist öffentlich / wenn den Bischoffen
vnd Pfaffen / der Ehestand frey were / vnd sie darein
sich begeben / so würde der Pfaffen nicht so viel vnd
grosse zal sein / würde auch ire gepreng / reichthumb
vnd herrligkeit geringer werden. Als die kriechischen
Priester / welche Ehelich gewesen / vnd haben solche
grosse Fürsten güter nicht / sitzen auch nicht in sol
chem herrlichem gepreng vnd vberflus. Auch sind
in Kriechenland / nicht so grosse hauffen Thumber
ren oder Pfaffen beinander (ausgenommen wo Schu
len angericht gewesen) So wollen auch die Bischo
ffe vnd grossen Canonici in iren hohen Stiffteen /
(wie sie denn ehrgeitzig vnd voller hoffart sind) inen
von irem prechtigen Stand / vnd sanfftem leben
vnd pracht / nichts entziehen lassen.

Auch so haben der Könige vnd hohen Potens
taten

A iij

taten

5. 92
taten höfe / beste mehr hohe stadliche ansehens / Vnd
ist der pracht deste grösser / wenn denselbigen viel
Bischoffe / Canonici / Prelaten / auch zu zeiten Car-
dinel auff iren vnkosten / mit etlichen gerüsten
Pferden / nachziehen. Vnd aus dem selbigen Pfafs-
fen hauffen / so sie mit dem Ehestand nicht ver-
hafft / nemen denn die Potentaten allerley Leute / die
sie in iren sachen brauchen / welchen sie Commission
thun / in grossen Händeln / welche sich auch offte
verschicken lassen in Legation / vnd in vielen andern
grossen sachen .

Weiter / so sind etliche Könige / Fürsten vnd
grosse Herrn / welche wol wissen / wie der Adel in
dem teil gesinnet / die dem Adel darinne hofieren wol-
len / Denn der Adel ist der Priesterehe / nicht wol ge-
neiget / ja ganz entgegen / Denn von den Thümen
vnd Stifften / haben sie grossen furzug vnd vorteil /
genies vnd herrligkeit / Vnd viel Geschlecht vom
Adel werden durch Bistumb vnd Thümereien / wie
szund die gelegenheit ist / auff den Stifften zu reich-
tumb vnd herrlichem wesen erhaben. Wenn aber
der Ehestand würde den Geistlichen vnd Pfaffen
frey gelassen / so würden viel geschlecht vom Adel /
solchen nutz vnd herrligkeit / solchen genies von den
Stifften nicht haben / wie denn wol abzunemen /
vnd wenn sich die Pfaffen in Ehestand begeben /
würden sie allen iren stand vnd pracht müssen ge-
ringer führen.

Das sind im grund die vrsachen / warumb die
Bischoffe / die stolzen ergeizigen Thumherrn vnd
der Adel so eintreichiglich zusammen setzen / vnd so
fest darüber halten / das den Pfaffen der Ehestand
nicht sol frey gelassen werden. So gefellet auch den
Thumherrn wol / das vngesangen / frey leben / das
sie

756
sie in vnzucht vnd Zurerrey/die Weiber vnd Köch in
wechßeln mögen nach alle irem mutwillen vnd
gefallen / Vnd vmb der hochwichtigen / löblichen
vrsachen willen / bleiben also / vnd werden noch
heßtiger / verteidiget die Grewel helsliche schan-
de /sunde vnd laster/ welche dem ganzen Christli-
chen namen ein heslicher schandfleck sind.

Die Gottfürchtigen vnd fromen / wo anders
noch etliche vnter inen sind / die ein Consciensz ha-
ben/welche fur Zurerrey vnd Gottes zorn sich schew-
en/erkennen / welche ein schwere bürde der Celibat
ist/vnd wolten gerne/das er würde abgethan/ Aber
der sind seer wenig. Wie lebet aber der ander ganze
hausse/so viel tausent Pfaffen auff Stifften/ so bü-
bisch/so gar Gotteslesterlich/Heidnisch vnd schend-
lich : Welche einen schendlichen Satanischen vn-
flat/vnd aller greulichsten laster grundsuppe/ sihes
man zu Rom / vnd andern mehr orten/ Welch ein
greulich ansehen ist in allen Thumberrn Kirchen
vnd Stifften / da vmb die Cathedralkirchen vnd
Stifften / mehr Ehebrecherin vnd Zuren gehalten
werden / denn in den aller schendlichsten/offentli-
chen Kuffiener oder Nummenheusern. Der grossen
greulichen sunde / laster vnd schande / welche die
Wirte in den Nummenheusern / niche so gar vn-
uerschampt treiben lassen/lachen die Bischoffe vnd
etliche Gottlose Fürsten / Denn sie sind Epicurer
vnd glauben nicht/das ein Gott sey/der es ernstlich
straffen werde. Halten vns fur alber/bewrische/vn-
erfarne Lappen vnd Narren / die wir surgeben /
man solle solches straffen/ vnd meinen die Epicu-
rischen sew / das sey allein das gute leben vnd frö-
lich wesen auff Erden / da doch eitel Satan /eitel
fleisch

557.
fleischlich vn sauber leben / eitel blindheit / viehische
verstockung vnd verderben an leib vnd seel bey ist.

Wenn die Bischoffe/Thumherrn/die schönen
Kirchenregenten / welche jr schrecklich / vnflätig/
Satanisch leben vnd wesen / für so grosse wollust
achten / gleubeten/ das ein Gott were/der da ernst
lich zürnet/wie S. Paulus. 1. Cori. 8. vnd die schrifte
klar saget/ vber Hurerey vnd ander vnzucht / so were
beste leichter mit jnen zu handeln/ das sie die Tyrann
nischen gesetz vnd verbot abtheten/aus welchen sol
cher Grewel / vnseglicher vnrat vnd vnzucht aller
solcher Teufflischer vbermacherer sünde/ laster vnd
schande her fleusset / durch welche die Kirche vnd
der namen der Kirchen berüchtiget wird.

Es ist aber erbermlich vnd betrüblich zugehen
offen vnd zu reden / das etliche vnd die jenigen/so
von dem Almosen Christi / ire enthaltung haben/
so ganz Gottes vnd Christi verechter sind/ das sie
noch zu solchen sünden vnd schanden/ welche Gott
teglich mit viehischer verblendung / wie vor augen/
straffet/ vnd wie Sodoma vnd Gomorra / straffen
wird/als vber einer vnshedlichen/ ergetzlichen kurz
weil/lachen / Sie spotten einen/ der sich nicht gerne
spotten leffet/ nemlich/ Gott/ Gala. 6. der wird jr zu
seiner zeit wider spotten / vnd jnen das hertz abla
chen.

Sie verteidigen das Tyrannische gebot vom
Celibat/Warumb: das die Pfaffen jren prechtigen
Stand vnd reicheumb / zu allem misbrauch erhal
ten mügen/ vnd der grossen sünd vnd schande/des
vnflats alles/ mus der heilige Gottes name ein be
spel sein / die verachtung vnd grosse vbermacht/
schmehen

758

Schmeher Göttliches Namens / wird Gott straffen /
wie er im andern Gebot dreyet / Er wird den nicht
unschuldig achten / der seinen Namen unnützlich
füret .

Dieses hab ich wollen zu einem eingang vorher
sagen / Denn was darff dieser ganz klarer öffent-
licher Artikel (welcher der klerste ist in vnser Lere)
einiger disputation / Alle ehrliche / Gotesfürchtige
Leute / die da berichte haben der Christlichen lere
vnd der Historien / wissen vnd haben des gar keinen
zweifel / das dieses verbot des Ehestandes der Prie-
ster / wider alle Göttliche / natürliche Recht ist / vnd
alle alte gewonheit vnd brauch der Kirchen ist .

Zu den zeiten Gregorij hat man die Priester / so
in der latinischen Kirchen weiber namen / allein jres
Ampts entsetzet . Hernach ist das gesetz vnd verbot
aber höher gespannet / vnd ist den Priestern die Ehe
gar verboten . Nu endlich tödtet vnd würget man
die armen Priester . Aber ein solch herb gebot / das
man die Priester vmb des Ehestandes willen solle
töden / ist nirgent je in einer Nation / Königreich
oder Land gemacht / denn allein jzt in Englands /
Gott wird das unschuldige blut / gewis ernstlich
rechen .

Wiewol nu dieser Artikel / von der Priesterehe
so klar ist / das er nicht viel disputirens bedarff / so
wil ich doch etliche gewisse zeugnis vnd Sprüche
der heiligen Schrift anzeigen / die da beweisen / das
den Priestern die Ehe nicht zuerbieten sey / vnd das
solch verbot / ganz Gottlos vnd vnrecht ist / vnd
das die Priester Christlich vnd recht thun / die da
Weiber nemen / Vnd das es der Christlichen Für-
sten vnd Potentaten ampt ist / solch vnrecht vnd
beschwerlich verbot / abzuthun .

B Der

Der Erste grund vnd vrsach.

Das die Priester mügen Eheweiber nemen/zeuget S. Paulus zun Thimotheum vnd Titum. 1. Es sol ein Bischoff vntadelich sein eines weibs Man. Der spruch S. Pauli zeiget klar an/das den Priestern die Ehe von Gott nicht verboten ist / sondern das man ein priester erwelen mag /der ein Ehemann ist / Darumb ist der grosse / nerrische / hebliche irthumb zuuerwerffen/dere/die da leren/Es sey wider den heiligen Priesterstand / Ehelich werden.

Die ganze Kriechische oder Orientische Kirche/zeuget auff diesen tag / das die Priester mügen im Ehestand sein/mügen Weiber haben / welche sie vor dem angenommen Priesterampt oder hernach genommen haben/wie wir hernach wollen reichlicher anzeigen.

Itzund wollen wir allein auff diesem stück beharren zuberoeren/das die Priester mügen eheliche Weiber nemen vnd haben/ Welches wir sagen/der jenigen irthumb zuuerlegen/die da sagen / Es sey stracks wider den heiligen Priesterstand vnd Priesterlichen Orden/ Ehelich werden. Vnd ist dieses nicht ein geringer irthumb / der in sich begreiffet viel falscher vnd schedlicher Lere. Denn diese lere erticket wider Gottes wort / eine newe heucheley / als sey der heilige Ehestand ein vnreiner Stand /der grosse vnreinigkeit an sich habe / vnd Gott nicht gefalle/ Oder welchen Stand Gott in etlichen Personen/nemlich/ seinen Dienern nicht leiden wolle. Dieser nerrischen vnd Mönchischer heucheley sollen alle rechtschaffene Prediger / mit ernst entgegen sein.

Vnd ist auch diese Lere verdammet im Concilio Gangrensi/ In welchem viel nützlicher/Christlicher
licher

760.
licher Decret gemacht sind / wider die Manicheer /
Vnter welchen Decreten / des Concilij Gangrensis
auch vnter andern dieses ist. So jmand ein Coniu-
gium Sacerdotale / oder Eheliche Priester darümb
meidet / als sol er vmb des Ehestands willen vnrein
sein / vnd derhalben das opffer in der Messe nicht
thun solle / vnd darümb in meidet / der sey verflucht.

Wiewol nu die Widersacher rencke suchen / dem
zuent schlupffen / so ist doch gewis / das dieses des
Concilij rechte meinung ist / Das kein vnterscheid ist /
vnter der Priester Ehe / vnd der Leyen Ehe / vnd das
der stand Gott gefellet . So nu gewis ist aus der
heiligen Schrifft Exempeln vnd zeugnis der alten
Kirchen / das der Priesterstand vnd Ehestand wol
beinander sein können / So sind auch die gemeinen
Sprüche / welche von allen Ehemennern reden /
auch von den Priestern zu verstehen / Nu folgen die
andern gründe vnd vrsachen.

Der ander Grund.

In der ersten zum Corinthern am siebenden Ca.
sagt Paulus / Zurerey zu vermeiden / habe ein jglicher
er sein eigen Weib. Dieser spruch S. Pauli gebent
allen / das sie sich sollen in Ehestand begeben / die
sich nicht enthalten können / vñ gehet on allen zweif-
fel nicht allein die Leyen / sondern auch die Priester
an. Denn dis ist ein gemein gebot / Zurerey zu ver-
meiden / habe ein jglicher sein eigen Weib / Vnd ist
niemand von dem gebot ausgenommen / denn allein
die jenigen / welche Gott ausnimpt / das ist / welche
von natur zum Ehestand nicht tügen / Oder die
sonderlich fur andern die gabe haben / oder vermü-
gen rein vnd keusch / on ein Weib zu leben / Allein
B ij diesela

1- 507
dieselbigen sind von der Regel ausgenommen. Die
andern alle begreiffet dieser spruch Christi/Mat. 19.
Dieses wort fasset nicht jderman / sondern denen es
gegeben ist.

Denn des Menschen natur ist also geschaffen/
das sie Kinder zeuge vnd sich mehren sol/ Wie Ge-
ne. 1. geschrieben stehet / Er hat sie ein Menlin vnd
Frewlin geschaffen. So ist nu dem Manne ange-
born/natürliche luste vnd neigung zu dem Weibe/
Widderümb dem Weibe zu dem Manne / Dis ist
Gottes geschöpff/ Vnd wenn Adam nicht gefallen
were / so were die neigung vnd brunst rein/vnd on
sunde gewesen.

Diese natürliche/angeborne/brünstige neigung
ist nach dem Falle gleichwol blieben in der mensch-
lichen natur / Aber gehet nu wilder vnd vnordent-
licher zu/denn vor dem falle/Darümb so ist auch nu
so viel deste mehr von nöten des Ehestandes / solch-
em vnordentlichem wesen zu wehren/Wie alle Doc-
tores schreiben/das der Ehestand nu von nöten sey/
nicht allein vmb Kinder zeugens willen/ sondern
auch/das dadurch gestillet werden die vnordentli-
chen luste.

Die neigung des Mannes gegen dem Weibe/
vnd widerümb bleibet / welche natürlich vnd der
natur eingepflantz ist. Aber itzund ist sie nu on or-
denung ganz verruckt/vnd derhalben so viel mehr/
der Ehestand von nöten ist. So saget auch S. Paulus/
Zurerey zu meiden / habe ein jglicher sein eigen
Weib. Darümb sollen wir auff dis wort vnd be-
fehl des Heiligen geistes wol achtung geben / Denn
das gebot Gene. 1. sagt / Wachset vnd mehret euch
etc. Welches Kinder zeugen vnd die vermehrung be-
langet/ wird im newen Testament durch solche
klare

762.

Klare wort S. Pauli des Apostels widerholet / dazu
gesetzt die lere / von der hülffe wider die schwacheit
der verderbeten Natur / damit die Menschen nicht
in ein wüst wesen vnd vnordnung / in vnzucht vnd
Zurerey geraten. Vnd gibt Gott zuuerstehen / das
des Ehestands jzt noch mehr von nöten ist / denn
für dem fall Adam.

Ich wolt doch gerne hören oder sehen / was
jmer mehr wider dieses köndte mit beständigkeit auff
bracht / oder gesagt werden / Man kennet je nu wol
menschliche natur / wie schwach die selbige ist. Man
weis auch / was ein Weib / was ein Man ist / man
siehet je für augen / das ein Man kein holtz / ein Weib
kein stein ist. Diese öffentliche / greifflicher erfahrung
gibt / wie wenig der jenigen sind / welche Keuscheit
oder reinigkeit recht halten können.

Man frage in Mönchen vnd Nonnenklöstern
was da für marter gewesen der Gewissen. Wie viel
größer klage lieset man hin vnd wider / die jenigen /
die da versuchet haben / one Ehe zu leben / vnd haben
doch befunden / das sie Keuscheit nicht halten könd-
ten. Denn feuer vnd brunst / die beide Menlin vnd
Frewlin angeboren ist / Vnd die angeborne schwach-
heit / so durch verderbung der natur / durch die
Ersund dazu komen ist / lesset sich nicht also ab-
waschen oder ausleschen.

Aber die Widersacher pflegen hiezü zu sagen /
Man könne die Natur mit fasten / vnd Casteien als
so beweltigen / das man solche brunst wol könne
dempffen vnd leschen. Warümb treiben denn die
Widersacher dieser irer lere zuentgegen so viel vnzucht?
Warümb leschen sie nicht bey sich selbs sol-
che flammen?

Viel Göttföchtige / ehrliche / Christliche hertzen
B iij bekennen

113.
bekennen / das sie mit irem höchsten vleis / da sie sich
mit beten / mit fasten / mit casteien / am höchsten be-
mühet / nichts ausgerichte haben / Denn man wölle
denn die Natur vnd gesundheit ganz verderben.
So lesset sich die angeborne art / vnd eingepflanzte
brunst / an manlichem vnd weiblichem Geschlecht
nicht also leschen / Warümb verbieten sie denn die
hülffe des Ehestands / welche Gott gegeben hat :

Sol es denn besser sein / die Liebe (welche S.
Paulus Tempel Gottes nennet) mit aller vnzucht
zubesuddeln / Oder / sol man dem Leibe gewalt
thun vnd tödten? Das ich hie noch schweige / welche
ein vnsegliche / grosse Lünheit das ist / das arme Crea-
turn vnd Menschen so thürstig sind / Gottes wort
vnd gesetz abzuthun / welches gebent / das ein jgli-
cher sein eigen Weib habe / zu vermeinden Zurerrey.

Der dritte grund.

Teuffels lere zubestetigen ist vnchristlich / vnd
ein Grewel / Verbot des Ehestands wider Gott ist
ein Teuffels lere / Darümb ist die selbige bestetigung
wider Gott / S. Paulus. 1. Timoth. 4. nennet das
verbot der Ehe / Teuffelsleren. Vnd S. Paulus wil
da nicht für ein geringen schaden / sondern für ei-
nem schrecklichen Grewel / vnd Antichristischer /
scheuschlicher Teuffeley vns gewarnet haben / das er
es nennet / nicht Kezerlere / nicht falschelere / son-
dern one mittel Teuffelsleren.

Denn solche Schwermgeister lere / hat in der
Kirchen mordlichen / vnendlichen grossen schaden
gethan / wie (Gott sey es geklaget) die erfahrung gibet.
Ein vnzelicher Hauffe / vnd viel tausent Menschen /
welche also mit aller vnzucht besuddelt sind / haben
müssen

704.
müssen in sünden leben/ in iren sünden sterben vnd verderben / darumb/ das inen der Ehestand ist verboten gewesen.

Durch den Ehelosen Pfaffenstand haben der Pfaffen reichtümer/vnd also jr faul leben / schendlich vnd schedlicher müffiggang / jr Ehrgeitz / jr Schwelgerey / teglich vnordentlich prassen / fressen / sauffen / vnd gesuchte lüste ober hand genomen/den da ist weder für Weib noch Kind/ weder für ehr zu sorgen gewesen/vnd ist also bey diesen Geistlichen / solt sagen/geistlosen vnd Gottlosen / allerley büberey vnd vnzucht gewachsen.

Ja bey Ppsten/Cardinelen/Bischoffen/Tunsherrn vnd Mönchen / sind nu Ehebruch / Jungfrawenschenden/Zurerey nicht mehr für sünde noch für schande/ sondern für kleine gebrechen / zu Rom für ehre vnd frömbkeit geacht vnd gehalten / Denn zu Rom(welches nu der ergste Teuffelstancß vnd vnflätigste Cloaca/aller schendlichsten laster vnter der Sonnen worden ist) hat der Satan nu gar vnd ganz /an dem ganzen Cardinal vnd Pfaffenhauffen / Leib vnd Seel besessen vnd ingenomen /vnd haben nu alda die schrecklichsten/ aller grewlichsten Satanische sünde vnd vnzucht / ober hand genomen/welche/wie S. Paulus an die Epheser sagt/auch schendlich sind zu nennen / vmb welcher vbermachten / grewlichen sünden willen/Gott der HERR/erwa ganze Königreich zerrissen/vnd viel gewaltiger Stedte plötzlich vertilgt vnd zu asschen gemacht hat / Als Sodomam / Sibarim/ Athen/ Spartam/Theben/vnd eben das alte Rom. Wie denn nu auch im newen Rom/ alle Gottslesterung wider Gott / alle sünde vnd schande/alle ergesten Laster/vnd der Satan nach alle seinem willen gar regiret/

65
regiret / Also / das es auch bey den Türcken ein vn-
treglicher stanck / vnd ewiger schandfleck des ganz-
en Christlichen namens ist.

Grund aber zu vnsern zeiten / verursacht dis ver-
bot der Priesterehe / nicht allein solche laster / als
Ehebruch / Hurerey / Jungkfrawschenden / Röm-
sche laster vnd alle Teuffelische vnzucht / Sondern
bringet auch mord / Tyranny / wütere y wider viel
vnschuldiges bluts / Vnd sind solche mörder / so die
armen Priester vnd ire Weiber erwürgen lassen / er-
ger / denn Verrheter des Vaterlands / erger denn Va-
ter vnd Mutter mörder / Denn aus diesem verbot er-
würgen sie vnschuldige / arme Priester / die aus Got-
tes befehl Eheweiber genommen haben .

So nu ein solcher strom / ja Sindsflut aller la-
ster / aus diesem verbot herfürbricht vnd fleusset / so
ist es ja klar gnug / das S. Paulus nicht für einem
geringen schaden hat wollen warnen / da er das ver-
bot des Ehestands / doctrinam demoniorum / nen-
net / das ist / Teuffelslere.

Vnd dis verbot hat der Teuffel / welcher dieser
predigt oberster Doctor ist / balde nach der Apostel
zeit herfürbracht . Die Erzketzer Montanus vnd
Martion / das sie einen schein / einer sonderlichen
grossen heiligkeit machten / haben sie die Ehe ver-
boten / Vnd Epiphanius der erzelet ire grosse sünde
vnd laster. Auch von dem Teuffels boten / Martio-
ne selbs schreibet er / das Martion als in ein Diacon
in Cypro geherberget / hat er jm das Weibe mit sei-
ner heucheley betrogen / vnd weggeführt . Vnd her-
nach / als er sie geschendet vnd beschlaffet hatte / ist
das arme Weib nicht lange hernach / widerumb zu
irem Manne komen / vnd hat ire sünde beklaget /
ymb gnade vnd vergebung gebeten. Vnd schreibet /
das

768
Das dis Weibe darnach vielen ein warnung vnd Ex-
empel gewesen sey / das sie solche Martionis lere / von
falscher Keuscheit meiden solten. Denn dieses armes
Weibe / hatte weitem bericht gethan / das mehr Weiber
in der geselschafft weren / welche sampt den Martio-
nisten diesen schein fürgeben / als lebten sie Keusch / vñ
doch heimlich bey diesen Schwermgeistern schlieffen /
vnd giengen durch einander alle vnzucht. Ein solchen
löblichen anfang hatte dis verbot vom Celibat / oder
die lere von dem ehelosen wesen / auch balde nach der
Apostel zeit geschaffet.

Hernach sind komen die Kerzer / Encratite / vnd
von der selbigen Exempel / sind die Mönchen herko-
men. Vnd das nu die Pfaffen nicht weniger heilig
weren / denn die Mönchen / so haben sie dieser Zentche-
ley auch nachgefolget.

Im Concilio Niceno / haben etliche gewolt /
Man solte ein Decret machen / das die jenigen / so
Weiber hetten / wenn sie zu Kirchenempthern erwehlet
würden / sich als denn der Weiber enthielten. Wiewol
nu das mal solche Gottlose lere verfasst ist / so hat
doch hernach solche Tyranny in den Occidentischen
Kirchen vber hand genomen / wie ich hernach sagen
wil.

Dieses ist der anfang gewesen / der Tyranny des
Antichristi / Vnd der hohe Prophet Daniel am 12. cap.
hat klar zuuor prophetirt / das dis der Hauptstücke ei-
nes / der Antichristischen lere sein sol / vnd die rechte
farbe des Antichristi / dabey zuerkennen ist. Er wird
in der Kirchen eine herschafft wollen haben / vnd wird
Gottes nicht achten / vnd nach den Weibern nicht
fragen / das ist / nach ehrlichem vnd Christlichem Ehe-
stande / wird er nicht fragen / sondern wird mit schenda-
lichen / vngehewren lastern / ein schrecklichen Teuffels
C stanck

167.
Stand vnd vnflat/in der Kirchen anrichten. Heisset
das nicht klar / deutlich / eigentlich vnd mit Fingern
angezeigt / auff die Ppste vnd Cardinel zu Rom.

Vnter solche Grewel / Teuffelische / aller heuchlich-
ste sünde vnd laster / Gotteslesterung vnd schande /
mengen vnd vertieffen sich die jenigen / welche wider
die ernstliche / hefftige warnung S. Pauli / inen gefal-
len lassen / das verbot der Ehe. Was sind es für grosse
Heiligen: Sie bestetigen Teuffelslere / sie helfen schüt-
zen das Reich Antichristi / sie machen sich teilhafftig
alles vnschuldigen bluts / aller der betrübung Wit-
wen vnd Waisen / aller schrecklicher / Satanischer /
Römischer / des Ppsts vnd Cardinel laster (die kein
Tatter noch Türcke gewolicher vad vihischer treibet)
vnd aller ander mordlicher Land vnd Regiment
schaden / so aus dem verbot der Ehe erfolgen.

Darumb so ist es Christlich / dieses allerschedlich-
chest Verbot nicht bestetigen / sondern zu grunde vnd
gar abschaffen / Vnd der Kirchen den Ehestand (wel-
chen Gott frey leffet) wider vergönnen.

Der dritte Grund.

virde
Bis anher habe ich erzelet zeugnis aus der heilia-
gen Schrift / Tu wil ich die Exempel der ersten vnd
Aeltesten Kirchen dazu setzen.

Das ist gewis vnd hat keinen zweifel / das zu der
Apostel zeit / vnd lang hernach in der Kriechischen vñ
auch Occidentischen Kirchen / die Priester im Ehe-
stand gewesen sind.

In Eusebio lib. v. Ecclesiastice Historie wird ge-
dacht des Bischoffs Polycrates genant / der Bischoff
zu Epheso gewesen ist / Welcher klar sagt / Er sey von
Bischoffen oder Priestern / geboren vnd herkommen /
Denn dis sind seine wort / Ich aber / der aller geringst
vntre

768
vnter euch / halte die beschlus meiner Eltern / denn sie
ben nach einander / von meinen Voreltern / sind Bis
schoffe gewesen / Ich bin der achte Bischoff / welche
alle den tag also gehalten haben .

Auch so hat die Latinische Kirche ein lange zeit
Priester gehabt / welche im Ehestand gewesen sind /
Wie denn die Historia Syricij anzeiget / welcher der
aller erste in Hispania angefangen hat / solche Prie
sterehe zu verbieten vnd zureissen / Wiewol die Hispa
nischen Priester seinem gebot nicht sind gehorsam ge
wesen / vnd haben irer sachen Patron vnd Verteidiger
gehabe / den Bischoff Tarracon / welcher dem Römia
schen Bischoffe antwortet / vnd füret sprüche aus
dem Euangelio / welche solch Ehe zureissen verbieten.
Aber Syricius / hat da ein stolze vnd nerrische ant
wort gegeben / Das billich gros zuerwundern ist /
wie doch albereit zu der zeit / so vngelerete / freche / Gott
lose vnd Tyrannische Regenten in der Kirchen haben
sein können .

Es schilt Syricius hefftig / vnd mit groben wor
ten die ehelichen Priester / vnd schmehet sie aus Teuff
licher bitterkeit sagt / Sie sind beschirmer der vnzucht.
Vnd füret den spruch S. Pauli an die Römer am. 8.
ein / als ein grober / vngelerter Klotz / Werdet jr nach
dem fleisch leben / so werdet jr müssen sterben. Ist er so
gar ein stock / vnd vngelerte gewesen / das er gedachte /
das durch diesen Spruch S. Pauli / die Ehe verboten
sey / so ist er viel mehr werd gewesen / auff den Galeen
die ruder zu zihen / denn in der Kirchen Christi das
Regiment zu haben . Wo er aber wissentlich den
spruch S. Pauli / also eingefüret hat / so ist er ein vn
uerschempter / heiloser Man gewesen / Vnd ist noch ers
erger .

Denn nach dem fleisch leben / heisset nicht da im
Ehelichem stande leben / speis oder getranck brauch
en / welches

69.
chen/welches Gott frey leffet/Sondern heisset im herzen Gottes gebot hassen /vnd wider Gottes gebot gesinnet sein.

Hernach hat auch Gregorius die Priesterehe in Sicilia zurissen/vnd ist also die alte gewonheit eintzellig abgethan.

In Deutschen Landen / ist etwa lang hernach die beschwerliche bürde den Priestern auffgelege / Das wider sich das mal / der tapffer Man Ulricus/Bischoff zu Augspurg/hessig gesetzt hat.

Hernach als zu Mentz das Decret Hilbrandi des heilichen / heilosen Menschen von verbietung der Ehe ist eröffnet / hat man sich mit grosser ungestüm vnd gar nahent mit einer empörung dawider gesetzt/das sie die beide Bischoffe Mentz vnd Carcensis/welcher ein Legat war / gar balde mit gewalt angegriffen hetten / wiewol Bischoff Mentz in dieser sache gelinder gewesen / der dazu gesaget hatte/er wolte Hildebranden von dieser meinung abwenden.

Es sind viel mehr zeugnis vnd anzeigung furhanden / welche melden / das dis verbot sehr new ist / welches doch jzt von den Widersachern mit grosser vnd Veronischer wütereij wird verteidiget.

Wiewol nu dieser Artickel ganz klar vnd hell / als die mittags Sonne ist/ das der Ehestand besser ist denn Hurereij/vnreinigkeit/ Teuffelische / meuchliche vnflätigkeit / So habe ich doch dieses erzelen wollen/ das diese Exempel erinnern/das der Priesterstand vnd Ehelichstand nicht wider einander sind / wie etliche in jren erewomen furbringen / Das wir auch nichts neues auffbracht/sondern diese aller ersten/ehrlichste vnd Christliche gewonheit wider an den tage gegeben haben.

Natur

770
Der fünffte Grund.

Natürlich Recht vnd angeborne art / kan weder mit verboten noch gesezen verendert werden. Die angeborne brünstige lüste vnd neigung des Mannes gegen dem Weibe / vñ widerümb / ist natürlich Recht. Darümb haben es die Menschen mit gesezen nicht zu verendern.

Das diese neigung sey natürlich recht / ist Gen. 1. Cap. klar angezeigt / Ein Menlin vnd Frewlin schuff er sie. Vnd diese neigung were auch gewesen / wenn Adam nicht gefallen were / Vnd ist diese neigung izt in der natur nicht ausgelescht oder hinweg genommen / sondern gehet izt vnordenlich / Darümb ist deste mehr der hülffe des Ehestandes von nöten.

So sind es nu Gottes vnd der natur Feinde / die Man vnd weib oder solche mannes vnd weibes geselsung oder beywonung wollen von einander reißen. Als wenn sie verböten / man solte Vater vnd Mutter nicht ehren / oder etwas anders / was von Gott in menschlicher natur verordnet / vnd angeborn natürlich Recht ist.

Denn in diesem natürlichen Recht ist niemand ausgenommen denn / allein die jenigen / welche Gott ausgenommen hat / nach dem spruch Christi / Matth. 19. cap. Als welche vntüchtig geborn sind / Oder ein sonderliche Gabe haben. Es sagt aber Christus klar / das diese gabe wenig Leuten gegeben ist / wie die offentliche vnd tegliche erfahrung anzeigt / Vnd kan hie ein j gleicher wol mercken / was S. Paulus haben wil da er sagt / Es ist besser freien / denn brennen.

So nu das Göttliche vnd natürliche Recht gebieten / allen jenigen / die nicht vermügen keusch zu leben / ehelich zu werden / Vnd die erste elteste Christliche Kirche / dis also gebraucht / So ist es offentlich

C ist das

71.
Das dis verbot der Priesterehe/wider Gott / natur/ ehr
vnd Recht ist/ Vnd das es sol stracks abgethan wer-
den/vnd das die Priester/so Weiber nemen / recht da-
ran thuen. Dieweil aber diese/ gewisse klare/öffentli-
che / Göttliche warheit/die Widersacher / mit Sophis-
terey /wollen vertunckeln. So wollen wir auff der
Widersacher Argument auch antworten.

Verlegung der Widder- scher Argument/ so sie wider der Priester- ehe auffbringen.

Der Widersacher grössste widerrede / ist von dem
Voto/vnd gelübde der Keuscheit. Wiewol nu (wie
droben gesagt) im grunde der warheit / darumb die
Ehe so hart verboten wird / da mit der Bischoffe/
Erumhenn vnd Pfaffen prachte nicht abgehe / so
wenden sie doch diese beschönung für/mit dem Ge-
lübde. Viel vnter den Widderfachern bekennen selbst/
Das die Priester / wenn jnen das Gelübde nicht hin-
derung thete/möchten sie wol Weiber nemen/ So aber
das gelübde da ist/so verbieten sie jnen die Ehe. Wie-
wol diese ursache mit starcken / guten Gründen/ kan
verleget werden/ Aber doch/ ehe ich dazu thue/so habe
ich hie ernstlich zu reden mit denen / welche so hart
auffs Gelübde dringen.

So der Priesterehestand allein durchs gelübde
vorhindert wird / Warumb thun denn die Bischoue
dis gelübde nicht hinweg/So sie doch sehen vnd grei-
ffen/das so viel sünde/ schande / so viel gewlicher las-
ter wider Gott / ehr / zucht vnd erbarkeit /wider alle
natur daraus kömpe / Vnd das zu Rom / vnd in den
Stiffen / die grossen laster der ganzen Kirchen ein-
schande sind/Vnd es hat keinen zweiffel / das alle Bis-
choue/ ein jglicher in seiner Dioceses oder Bistumb/
diese

772

diese Gelübde abthun können/ vnd abzuthun schuldig sind.

Zu dem / ist auch in dieser sache / diese gewonheit (also zu geloben) stracks wider alle art vnd natur eines rechten gelübdes oder Voti/wie denn alle Heuchelei/sich mit falschem schein ferbet /vnd flicket allezeit/ mit Glosen vnd deutungen / welche man hin vnd wider ziehen kan. Denn erstlich/ alle die jenigen/so den Priesterstand annemen/wolten viel lieber das Gelübde nicht thun / vnd klagen alle vber diese Tyranny! das der Stand mit diesem gelübde beschweret ist. Nu ist es kein gelübde/wenn es nicht freywillig ist.

Diesen misbrauch hat die zeit gleichwol also eingeführt / vnd ist darnach durch etlicher vieler /vnd gewaltiger Leute Exempel bestetiget. Der eingeführten gewonheit also (Keuscheit zu geloben) ist darnach der ander Hauffe nachgefolget / wie es denn pfleget zugehen / Aber dieses ganze wesen / ist wider alle art vnd natur eines rechten gelübdes/Denn alle die/ so ein verstand vnd Christlich Gewissen haben/wolten lieber/ das jnen der Ehestand frey were.

Wir wollen aber nu sehen/die vngewis/zweifelhaftige form/der Priester gelübde. Ich weis/das sie nicht einerley form der gelübde haben/ Etliche geloben mit diesen worten / Ich gelobe Keuscheit/So fern es menschliche schwachheit nachlesset. Diese/die also geloben/die haben warlich der Ehe sich nicht verziegen/denn mit diesem vnterscheid/ So ferne es menschliche schwachheit nachlesset / wird je nicht freiheit zu der Zurerey furbehalten oder gemeinet sein.

Die andern/thun Gelübde dieser forme/ Ich gelobe/das ich den Canonibus wil gehorsam sein/ Vnd das ist die form in den eltesten Kirchen/ Sihe nu diese vnterscheid an / Da sind die Canones/ gar weit nicht eintrechtig. Etliche

73.
Geliche die aller eltesten / die haben weder dem
Pfarherrn Priestern / noch den Diacon die Ehe nicht
verboten. Wo aber irer einer ein Weib nam / den ent-
setzten sie vom Ampt. Vnd das war zur selbigen zeit /
nicht eine schwere oder grosse straffe / Ja es war wol
eine entledigung vnd gnade / Denn die selbigen Prie-
ster waren nicht solche faullentzer vnd mässige Beu-
che / wie jzt die Canonici auff den Stiffen sind /
Sondern solche Priester waren Pastores vnd Seel-
sorger / stunden allezeit an der Spizen / vnd trugen die
fahr / das Euangelium zu predigen vnd zubekennen.

Hernach sind viel Tyrannische Canones ge-
mache / on alle Beschlüsse der Concilien / welche die
Priester zu ewiger Keuscheit verpflichten.

Man verstehe aber diese wort / wie man wölle
(Ich gelobe den Canonibus gehorsam zu sein) So ist
es doch gewis / das / so man sie wil recht auslegen / so
sind sie zu verstehen / das den Priestern durch ein gebot
vnd geseze / nicht durch jr freywillig gelübde / die Ehe
verboten vnd verhindert wird / Wie sie on das / durch
gebot vnd geseze / zu vielen Ceremonien / in Canoni-
bus verpflichtet werden.

Vnd man weis je wol / was solche gelübde in sich
haben / Wenn wir geloben den gesezen / oder geboten
zu gehorchen / Da verpflichten wir vns nicht höher
denn zu der straffe / so in Gesezen begriffen. Tu ist in
keinen Canonibus nirgent zu finden / das der Ehe-
stand den Priestern bey verlust des lebens / sol verbo-
ten sein. Vnd es ist ein allzugeschwinde / vnerhörte Ty-
ranney / welche nicht wol anstehet denen / so den Titel
der Kirchen führen / vmb des Ehestands willen / den
vnschuldigen das Leben zu nemen. Aber ich wil diese
geringe entschuldigung lassen faren / welche / ob sie
wol auch ire stad haben / So müssen doch die hertzen
vnd die Gewissen / einen sterckern / festern / gewissern
trost haben / darauff sie gründen. So

774.
So mögen nu die Widersacher / das Gelübde so hoch auffmutzen als sie wollen / so stehet doch darwider dieser grund unwanckelbar vnd feste / Alle Gottlose gelübde / welche wider Gottes gebot geschehen / sind nichts. Das gelübde der Keuscheit geschihet wider Gottes gebot. Darumb / so bindet es nicht / vnd ist nichts.

Diesen gewisser Grund / kan man mit keinen wichtigen Argumenten umbstossen / Vnd sind aus dieser vrsachen / die Christlichen Gewissen dieses Gelübdes ledig vnd frey. Denn das ist gewis / das alle gelübde / so wider Gottes gebot geschehen / sind vnbündig. Denn Gott lesset jm nicht mit wercken dienen / die er verboten hat / Wie der. 5. Psalm sagt. Du bist nicht ein Gott / dem Gottlosen wesen gefellet.

Vnd wie offte stehet das in dem Canonibus geschrieben / Das man in dem zusagen vñ gelübden / welche man on sünde nicht halten kan / nicht schuldig ist glauben zuhalten. Dis gelübde aber ist stracks wider das Göttliche vnd natürliche Recht / Wie oben angezeigt ist. Gott gebent denen / welche Keuscheit zu halten nicht vermügen / sie sollen Ehelich werden. Aber das Göttlich / angeboren / natürlich Recht / kan durch kein gelübde auffgehoben werden / Denn es töchte nichts / wenn ich gelobete meine Eltern nicht zu ehren.

Auch ist noch ein vrsache / warumb dis gelübde Gottlos vnd vnbündig ist. Aber die jenigen / so Christlicher Lere nicht berichte sind / verstehen diese nicht. Selbs erfunden Gottesdienste / gefallen Gott nicht / Juxta illud / Matth. 15. Vergeblich dienen sie mir / Dieweil sie leren solche lere / die nichts denn Menschen gebot sind etc. Das gelübde aber der Keuscheit / ist ein heiligkeit vnd Gottesdienst / von Menschen erdacht / on Gottes wort / vñ hat vnzeliche jrthumb geursacht / Darumb gefellet es Gott nicht. D Vnd

Und diese schendliche / Satanische heucheley / ist von denen herkommen / welche die Lere vom glauben an Christum / von der gnade nicht verstanden haben / welche auch nicht gewußt / das Regenten ampt / Hausvater / Hausmutterstand vnd ampte (welche durch Gottes wort vnd befehl geheiligt) auch heilige / köstliche / gute werck vnd Gottesdienst sind / welche Gott gefallen / Durch welche Gott bevilhet jm zu dienen / vnsern glauben vnd liebe zu vben / Vnd verbent allenthalben / newe (von Menschen erdacht) Gottesdienst anzurichten / die er nicht befohlen hat.

Nu haben die Heuchler ertichtet / das der Ehestand / ein trefflicher / fürnemlicher / heiliger Stand sey / durch welchen vnser Herr Gott den Leuten viel gnediger werde / dadurch sie auch mehr verdienen / den durch andere Stende. Die Eheleute aber verachten sie / als weltliche vnd unreine Leute / an denen Gott nicht so grosses gefallen habe / Verwerffen sie als die jenigen / die in einem ferlichem vnd sorglichem Stande sind / welche Gott schwerlich zu gnaden annimpt. Wie es denn öffentlich am tage ist / das etliche gezweifelt haben / von Eheleichen wercken / Ob sie auch mit gutem Gewissen können geschehen. Diese vnchristliche lere / haben nicht geringe blindheit vnd finsternis eingefüret / wider diese Lere vom glauben an Christum / vnd wider den rechten Gottesdienst.

Nu ist es am tage / das die Canones selb / dis Gelübde also für ein sonderliche hohe heiligkeit loben. Als cap. Proposuiti. dist. 82. wird der spruch S. Pauli allegirt Rom. 8. Die im fleisch leben / können Gott nicht gefallen. Was heisset doch schrift oder brieffe felschen / wenn das nicht felscherey ist? Den der Papst deutet den spruch S. Pauli / wider die Ehe / so doch S. Paulus des orts gar viel anders wil. Solche spitzbübische teuscherey / wie mit falschen würffeln / wie es
S. Paulus

776.
S. Paulus auch an die Epheser nennet / sol man in den Worten der Apostel Schrift / in keinem Wege leiden. Vnd es sol vns billich ein gros wunder sein / das gelerte / Gottfürchtige Leute / welche die Canones gelesen / so viel hundert jar / solche öffentliche / vnuerschampte lesterung / des heiligen Ehestands gelidten haben.

Item / der Canon in cap. Decernimus / zeigt Ursache an / Warum den Priestern die Ehe verboten sey / Denn die Priester sollen nicht der unreinigkeit / vnd den Schlawf kammern dienen. Diese hebliche / vnchristlichen wort vnd Lere / sol man billich in der Christlichen Kirchen verwerffen / vnd alle Gelübde / welche aus diesem irrigen wahn geschehen sind / gewis vnd on allen zweifel vnbindig gehalten haben.

Denn der Ehestand ist ein heilige Keuscheit vnd reinigkeit / welche Gott gefellet / Wie S. Paulus sagt / 1. Timo. 2. Das Weib wird selig durch Kinder gebären. Da lobet Gott auch die werck der Ehepflicht vnd des schwanger gehens der geburt etc. Denn welche werck Gott geboten hat / sind alle heilig / vnd gefallen jm wol / Denn in denen allen / leitet vnd leuchtet vns sein wort fur. Diese Lere ist in der Kirchen aus vielen Ursachen von nöten / denn wenn wir Gottes dienste anrichten nach vnsern gefallen / weicht man von Gottes wort. Item / man verleuret alle reine lere vnd das rechte erkenntnis Gottes / allen gewissen trost / so den armen / angefochten Gewissen von nöten ist / Wie die fromen hertzen wol wissen.

Die Propheten verwerffen allenthalben selbs erwelete Gottesdienste / vnd vermanen zu den wercken vnd Gottes diensten / welche Gott geboten vnd befohlen hat / In den selbigen sol ein iglicher Christ seinen glauben vben vnd beweisen / vnd sol bitten / das vns Gott erhalte in solchem erkenntnis vnd glauben / das

Dij er auch

77.
er auch fruchtbar sey / vnd sich in der Liebe vnd andern Tugenden vbe .

Wie nu alle Gottesdienst vnd werck / die Gott geboten hat / reinigkeit vnd heiligkeit billich solten genennet werden (Denn die selbigen sind ein rechter gehorsam gegen Gott) wie ich gesagt habe. Also sind vnreine werck nicht allein / Hurerey / vnzucht etc. sondern alle falsche Gottesdienst vnd werck / die Gott nicht geboten hat . Darumb so sind die ehrlichen werck / die ehepflicht / warhafftig ein rechte Keuscheit vnd reinigkeit / Wie Paphnutius recht vnd Christlich gesagt hat / Das leben vnd wesen im Ehestand zwischen den Eheleuten / sey heilige Keuscheit vnd reinigkeit. Widerumb das Ehelose leben / ist nicht allein derhalben vnreinigkeit / das vnter so viel tausent wenig / ja gar wenig Keuscheit halten / sondern ist auch darumb ein abgötischer Grewel vnd Satanischer vnflat / das solche gelobte Keuscheit / fur einen Gottes dienst wird gehalten / welchen doch Gott nicht befohlen hat.

Sie werden die Widersacher sagen / Warumb lobet aber S. Paulus . i . Corinth . am vij cap . die Jungfrawschafft? Antwort / Er lobet sie in denen / welche dazu geschickt / vnd dazu begnadet sind / vnd die auch rechte Keuscheit darumb halten / das sie vngelunden vnd deste freyer sind / das Euangelium zu predigen / vnd den Kirchen in nöthigen sachen zu dienen. Er lobet es aber nicht also / das er solches werck / fur ein heiliger vnd köstlicher werck achte / vergebung der sünde dadurch zu verdienen. Denn denselbigen irthumb (welcher stracks ist wider die Lere von der Gnade) verdammet vnd verwirffet S. Paulus auff s aller hefftigest / in allen seinen Episteln vnd Schrifften.

Wir wissen auch wol / das vnterscheid in Ständen / vnd allerley wesen vnd wandel auff Erden ist / als Ehestand / Jungfrawstand / Widwenstand etc.
Ein

Ein Bürgermeister in einer Stad oder Regent/ ist ein höher Stand/ denn ein Schiffman. Aber das werck des Stadregiments ist nichts verdienstlicher ewige Gottes gnade zuerlangen / denn des Schiffers ampt vnd wesen. Vnd es kan wol sein/ das ein Schiffer oder ander geringer Man/ ein sterckern glauben habe / vnd ein frömer Christ sey. Darumb / so viel es das Geistliche wesen vnd gnade fur Gott belanget / ist vnter den Stenden kein vnterscheid / Wiewol an jm selbs fur der Welt ein Stand höher vnd grösser/ denn der ander ist/ Denn Gott wil/ das vnter den Stenden sol ein ordnung sein.

Bisanher habe ich vom Gelübde gesage / so viel als hie von nöten / welches etliche hoch auffnutzen/ Nicht/ das sie das Gelübde so gros achten / sondern/ das sie mit einem schein den Ehelosenstand erhalten/ welcher jnen zu jrem pracht nütze ist/ Denn im grunde ist es nicht ein willig Gelübde/ sondern durch Menschen gebot/ welches Gelübde zuthun erzwinget vnd auffleget/ wird die Ehe verboten/ Vnd ob schon solch Gelübde willig geschehe / so ist es doch gewis / das die Gelübde vnbindig sind / welche wider Gottes gebot geschehen/ vnd on sünde nicht können gehalten werden.

Warumb hören denn die Widderfacher diese gegründete/ ehrliche/ Christliche vñ warhafftige entschuldigung nicht? Warumb verstopffen sie jre ohren / wie die verstockten Phariseer/ vnd erzeigen sich so Tyrannisch vnd grausam / wie öffentlich am tage ist / so sie sehen / was fur grosse sünde / laster vnd schande aus dem verbot des Ehestandes erfolget ist/ vnd teglich noch erfolget? So sie Christen sind vnd glauben/ das Gott durch Hurerey vnd solche schendliche / greueliche laster erzürnet wird / Warumb handeln sie nicht mit den Bischoffen/ solche Gelübde abzuthun? Warumb legen sie den armen Priestern (so zu den Kirchen
E emptern

empfern angenommen werden) solche Falle vnd stric-
cke:

Vnd hie wil ich mit bitten vnd flehen / fur die ar-
men / beschwerten Gewissen / nichts anders gesucht ha-
ben / denn das ein igliche Oberkeit vnd Richter / die-
sen Handel recht ansehe / mit solchem hertzen vnd ges-
müte / das er eigentlich bedencke / wie hoch not es doch
ist / den armen Gewissen hie zu helffen . Wer die war-
heit ernstlich liebet / vnd den Lastern / vnzucht vnd
sunden feind ist (welche der Celibat vrsachet) wer da
der klaren Schrifte glaubet / da der heilige Geist zeuget /
vnd sagt / Ehebrecher vnd Zurer wird Gott richten /
der wird bekennen müssen / das dis die warheit sey .

Die jenigen aber / so zuerhalten der Bischone /
Pfaffen / reichthumb / herrligkeit / prechtig vnd Fürst-
lich wesen / mit gewalt wöllen / vnangesehen aller sol-
cher Laster / das Ehelos wesen verteidigen / die lasse
man faren . Was sollen wir mit den disputiren / die
nicht Gott / ehr / tugent oder warheit / sondern wider
Gott / ehr vnd alle tugent / allein das zeitliche vnd iren
nutz suchen .

Vnd zwar scharffsinnige Köpffe vñ listige Leu-
te / können in allen sachen leichtlich rencke vnd schend-
liche vrsache finden / auch wider öffentliche warheit /
etwas zuwiderbellen vnd zu schreien . Aber in solchen
wichtigen Artickeln der Religion vnd Christlicher
Lere / sol billich alle Sophisterey hindan gesetzt wer-
den / welcher alle Gottföchtigen vnd ehrliche Leute /
billich sollen von hertzen feind sein .

Zum andern.

Wenn die Widderfacher vns furwerffen im ges-
etz Mose / enthalten die Priester / auff etliche gewisse
zeit sich irer Eheweiber / wenn sie iren Kirchen vnd
Gottesdienst ausrichten . Tu sollen aber vnser jetzigen
Priester allezeit zu iren Empfern geschickt sein . Da-
rumb

rumb sollen sie sich allezeit der Weiber enthalten.

Die jenigen/so die rechte warheit nicht lieben noch suchen/können allezeit ein behelff vnd Sophisterey finden/ Denn dieses Arguments gebrauchet auch der Pappst/distinct. 82. So aber die Widderfacher dem exempel des Gesetz Mose folgen wolten/ Warumb verbieten sie die Ehe? Denn Moses gesetz verbeut die Ehe niemand. Das gesetz Mose redet allein von wenigen tagen/ Vnd sind wol alle Eheleute zu zeiten etliche tage von iren Eheweibern / so in andern sachen verhindert werden etc. Man sol aber darumb nicht gar vnd ganz die Ehe verbieten.

Auch ist es gar betrieglich vnd Sophistisch vmb gefüret / das der Pappst dazu setzet/ Weil die Priester allezeit sollen bereit sein zu irem Ampt/ So sollen sie allezeit sich der Weiber enthalten. Das Priesterampt/ wird nicht on vnterlas geübet. Auch wissen die Christen wol / wie züchtiglich vnd Christlich der Ehepflicht zubrauchhen ist. Zu dem sol man die Christlichen Leute oder Gewissen/ mit dem gesetz Mose nicht beschweren.

Darumb ist die Ehepflicht nicht ein unreinigkeit/ oder Gott ein ungefellig werck / wie des Pappsts Canonisten aus vnuerstand vnd blindheit lestern. Sie haben Christliche lere nicht verstanden/haben derhalb den Gottesdienst/vnd anders mehr in der Kirchen/ den Ceremonien des gesetz Mose gleich gemacht/ vnd darüber mit grossen hauffen allerley falsche Gottesdienst / in der Kirchen eingefüret. Dieses effische nachomen/ on Gottes wort / ist in der Kirchen nicht zu leiden/wie denn S. Paulus /an die Galater dawider hefftig redet.

Wir sollen dis allein lernen / Das wir durch den glauben an Christum geheiligt werden / vnd sollen allein den gehorsam gegen Gott/vnd die guten werck gros achten/welche Gott in seinem wort befohlen vñ

¶ ij geordnetes

81.
geordenet hat. Denn Gott wil vns durch sein wort regiren vnd leiten / vnd verbeut eigene / gleiffende werck zueruelen / welche kein wort noch befehl haben / Da bey lasse ichs hie bleiben .

Das die Priester aber im gesetz Mose etliche zeit vnd tage / sich von iren Weibern enthalten haben. Das zu sage ich / Dennoch ist das klar / das den Priestern im gesetz Mose der Ehestand ist frey gewesen / Darumb sol er auch vnsern Priestern nicht verboten sein . Die zeit vnd messigung der Ehelichen bey wonung vnd ehelicher pflicht / werden die Gottfürchtigen nach gelegenheit wol zumachen wissen / vnd da sol man die Gewissen mit keinen geboten gefangen nemen / noch derhalben den Ehestand ganz verbieten . Vnd mit dieser antwort / ist vielen der gleichen Argument zu begegnen .

Etliche sagen / Die unreinen sollen die Sacrament nicht handeln / Die Priester / so Weiber haben / sind unrein / sonderlich nach geschehener ehelicher pflicht / Darumb können sie die heiligen Sacrament nicht handeln . Darauff antworte ich / wie jzt gesagt. Hurerey vnd dergleichen / sind unreinigkeit / vnd Gott dretet wider solche sünde / schreckliche straffe. Der Ehestand oder ehelicher pflicht aber / ist kein unreinigkeit / sondern ein werck / das Gott wolgefellet / vnd also geschaffen hat. In den Regimenten vnd Kirchensachen / lernet sichs wol selbs / wenn man Frauen mag ansprechen / oder fürber gehen sol.

Gleich dasselbige antwort ich auch auff dem Spruch Esaie. am 52. cap. Reiniget euch / die jr tragen die Gefesse des HERRN. Der Prophet redet hie von rechter reinigkeit / vnd von dem ganzen gehorsam der Gott wolgefellet / welchen die thun sollen / so da tragen die Gefesse des HERRN. Vnd wil der heilige geist in Summa so viel sagen / Das die den Gottes dienst treiben / das Euangelium predigen / die Kirchen regiren /

822
regiren / sollen nicht mit vnzucht / Hurerey vnd andern
Lastern befleckt sein / Sondern sie sollen Gottfürcht
tig sein / in rechter Gottes furcht vnd Busse stehen /
mit den Gaben des heiligen Geistes gezieret sein / Als
mit rechtem glauben vnd erkenntnis Gottes / mit rech
tem beständigen bekentnis seines worts etc.

Denn reinigkeit heisset alhie die ganze frömlkeit vñ
gehorsam fur Gott / vnd gerechtigkeit des glaubens.
Wie denn die Propheten zu reden pflegen / von rechter /
warer reinigkeit des hertzens / nicht von eusserlicher
oder Ceremonial reinigkeit. Vnd wil Esaias eben das
selbige / das die Priester sollen in rechter Gottes furcht
vnd Busse wandeln / vnd in Göttlichem / reinem wande
del des Ehestands sich finden lassen / nicht mit vn
sauberem wesen der Hurerey / Vnzucht / Ehebruchs / vnd
andern Lastern sich besuddeln.

Sol es aber nicht billich allen Gottfürchtigen zu
hertzen gehen / das die Bepste / Bischoue vnd Fürsten /
also zusehen / zu solcher öffentlicher Hurerey vnd vn
zucht der Pfaffen vñ Mönche / vñ dazu noch so hefftig
anfechten den Christlichen Ehestand? Lieber Gott /
wo fur halten doch die blinden / heilosen leute denn
Ehestand? Es hat je / ja die zwo Person / nemlich Man
vnd Weib / nicht irgent ein Engel / oder ein Creatur /
zusamen verordnet / Sondern Gott der Schöpffer / vñ
die hohe Göttliche Maiestet / hat sie zusamen geschaf
fen. Vnd es ist kein neher Freundschaft / noch lieblich
cher / heiliger Geselschaft auff Erden zu finden / denn
des Mannes vnd Weibes. Wie die Schrifft saget /
Darumb wird der Mensch Vater vnd Mutter verlass
en / vnd seinem Weibe anhangen.

So hat nu Gott den Ehestand mit grossen / trefflich
chen vnd teglichen Wunderwercken gezieret / begnadet
vnd geschmückt / Das man ja sehen sol / Gott habe es
mit diesem Stande also angefangen / vñ also machen
wollen / das er in vngeendert wil haben / vnd wolle

E iij auch

4338
auch bey diesem seinem Geschöpfte / mit seinen Göttlichen wercken / noch jmerdar gegenwertig sein / vnd sich da sehen lassen.

Denn Gott der Herr ist ja greifflich gnug im Ehestand gegenwertig. Erstlich / da alle Menschen aus natürlichem Samen vnd Blutstropffen in Mutterleibe empfangen werden. Da die Frucht von Gott / so wunderbarlich mit allen jren Gliedmassen gebildet wird. Vnd darnach / da alle Menschen / so auff Erden komen sind / vnd noch komen werden aus Mutterleibe / wenn die Stunde kömpt / in grosser angst vnd fahr / als durch ein greiffliche Gottes hülffe / vnd in vnderreichender hand geboren werden.

Diese wunderlichen / herlichen / grossen / mechtigen Gottes werck / wil Gott also gezeigt haben / als Zeugnisse / das die leute nicht also zufallens auff Erden komen / sondern das man dabey mercken sol / das Gott noch on vnterlas Schöpffer sey / schaffe vnd erhalte wunderbarlich das menschliche Geschlecht.

Vnd dis herrlich / gros / teglich / Göttlich wunderwerck (welches die Gottlosen nicht werd sind zu sehen oder zu mercken) wil Gott von den Eheleuten vnd jren Kindlin / als seinen Gottesdienern vnd Chorschülern (die er zu seinem Lobe gestiftet hat) erkand / gepreiset vñ gelobet haben. Denn darumb sind auch die Menschen beide Man vnd Weib / geschaffen / vnd sonst das ganze menschliche Geschlecht bey einander zu wonen / Das es kein Möncherey sein sol / sondern das die Eltern / die Kinder Gottes erkennen lernen / vnd die ersten Bischoue / Prediger vnd Pfarrer / die Söhne vnd Töchter aber jre Pfarrkinder seien / vnd also eines von dem andern / die Kinder von den Eltern / zu Gottes erkennenis / furcht vnd lobe vnterweiset werden.

Weiter / so man Gottes greiffliche wunderwerck wil ansehen / so ist vnser Herr Gott ja nahend gnug bey dem Ehestande. Die Kindlin balde von Mutterleibe

an/

787.
an/als newe Geste in dieser Welt/ versorget er mit Kü-
chen vnd Keller / das sie zu essen vnd trincken finden.
Denn er versorget sie mit solchem verrat / gibe Milch
in der Mutterbrüste/ Segnet den Eheleuten die Früch-
te auff dem felde/ das das Vihe vnd sie ire narung da-
von haben/ Wie der Psalm sage. Vnd neeret wunder-
barlich ganze heuser vol Kinder / die armen ja so ges-
sund / als die reichen etc.

Dazu behütet er auch die Eltern vnd Eheleute in
allerley fahr vnd trübsal / so im Ehestande jnen be-
geggen/ Davon die müßigen Freslinge vnd Heuchler
Mönche vnd Pfaffen gar nichts wissen.

Er behütet die jungen Kindlin durch tegliche Mir-
rackel/ schutz vñ schirm der heiligen Engel/ das man
in fehrlichkeit gar offte mus bekennen vnd sagen/ Das
Kindlin hat Gote selbs behütet.

Weiter / solten nicht darüber billich alle Heuchler
erstummen/ vnd ewig sich schemen/ Wenn sie S. Pau-
lum an die Epheser am 5. cap. lesen/ das Er den Ehe-
stand so hoch lobet vnd preiset / das er auch sagt / Er
sey ein Gemelde vnd tröstlich Bilde der Liebe Christi
gegen seiner Kirchen. Denn gleich wie ein Ehelich
Brentigam/ ein hertzliche vnd gantz brünstige lust vñ
liebe/ gegen seiner Braut treget/ hat grosse wonne vnd
freude bey jr zu sein/ sie anzusehen/ mit jr zu reden/ vnd
jr wort zu hören/ Wage vmb jrent willen mit freuden
alle fehrlichkeit auszustehen/ leffet sichs Leib vnd leben
kosten/ ehe jr ein leid solt geschehen.

Also ist auch die Liebe Christi gegen seiner Braut
der heiligen Kirchen vnaussprechlich / Wie S. Pau-
lus daselbst anzeiget. Er liebet sie aus hertzem grunde/
sie gefellet jm/ er höret gar genaw auff jr wort / auff
jr gebet vnd anruffen/ Vnd hat sie auffss höchste lieb/
schützet vnd beschirmet sie / begabet sie auch mit den
grossen Schetzen / edelen Kleinoten vnd gaben/ setz
dazu sein tewres Blut vnd Leben fur sie. Darumb sa-
get S.

get S. Paulus nicht vergebens / Das geheimnis ist
gros etc.

Wie künde er doch den ehestand höher loben/ehren
vnd preisen/ denn eben damit / das er in nennet / Ein
Bilde vnd Contrafet der vberschwenglichen/ vnaus-
sprechlichen Liebe Christi/ damit er seine Christenheit
also geliebet/das er sich selbs für sie gegeben hat/ Auff
das er sie heiliget etc. Darumb so der heilige Geist den
Ehestand so hoch lobet vnd preiset/ Ist nicht wunder
das der Satan / der vn sauber Geist/ des Papsts vnd
der Cardinel zu Rom dis Gottes werck auff's aller
höchste schendet vnd schmehet.

Diese angeborne / natürliche neigung vnd liebe des
Mannes gegen dem Weibe/ were brünstiger gewesen/
wenn Adam nicht gefallen were/Aber doch ganz rein
vnd sauber. Doch ist gleichwol nach dem fall Ader/
solche neigung vnd liebe / nicht gar in der Natur ge-
leschet/sondern bleibet/Aber nirgend so rein/ als sie on
den Falle gewesen were.

Darumb sollen Gösfürchtige vnd Christliche ehe-
leute (welche also in aller freundligkeit vnd liebe bey-
einander leben) im glauben solchen iren Ehestand
ansehen vnd brauchen / Vnd sol sie ire teglich/ vertrau-
liche/hertzliche Gesellschafft/billich erinnern der gros-
sen/vnaussprechlichen liebe / welche der Son Gottes
gegen seiner Kirchen hat / vnd sol vns billich anzün-
den /das wir den lieben H. Ern Christum widerumb
lieben / im von hertzen dancken /das vmb seines ver-
beinsts willen/so gros vnd hoch der Ehestand geheiligt
get vnd gereinigt ist.

Darumb/ so offte ein fromer/Christlicher Ehemann/
sein fromes Eheweib ansihet / So offte die Eltern ire
Kinderlin sehen / die sie ja von hertzen lieb haben/sol-
len sie erinnert werden/ der festen verbindnis der gros-
sen/hertzlichen vnd vnaussprechlichen liebe Christi/
gegen seiner lieben Christenheit.

Die fromen

786

Die fromen hertzen / welche also gesinnet sind / Gottes
wolthat erkennen vnd jm dafur dancken / die wissen/
das der Ehestand heilig ist / vñ das die Ehelichen werck
rein / Gott angenehme vnd wolgefellige Werck sind. Wie
der Apostel an die Ebreer am 13. cap. sagt / Die Ehe sol
ehrlich gehalten werden bey allen. Das ist ja abermal
herrlich den Ehestand gepreiset. Wil dadurch anzeigen/
das wir nicht / wie die Sodomitischen vnfluter die Pa-
pisten / Gottes werck verachten vnd schmehen sollen/
sondern seine Gottes Einsetzung / Ordnung vnd Seg-
gen ansehen. Item / das Gott wil / das durch den Ehe-
stand die Menschen geboren sollen werden. Item / die
Kindlin vnd Jugent (welche sol heilig vnd rein sein)
aufferzogen werden / zu Gottes lob vnd ehre. Darumb
sollen wir diesen Stand hoch ehren / vnd Gott / als den
Anheber vnd Stifter desselben loben.

Vnd damit man noch klarer verstehen müge / das der
Ehestand ein heiliger / Göttlicher Stand sey / da Man
vnd Weib bey einander sind / so auch dieses angesehen
werden. Gott wil vnd hat es also geordnet / das das
Weib dem Manne ein Gehülffe sey. Item / das die Weis-
ber die Männer / vnd widerumb / die Männer die Weiber
nicht verachten sollen. Denn Gotte der Herr sagt / Ge-
ne. 2. Es ist nicht gut / das der Mensch allein sey / Ich
wil jm ein Gehülffen machen / die vmb jm sey. Darumb
ist es Christlich / ehrlich vnd löblich / Jungfrawen vnd
Frawen ehren / sie lieben / zu der Ehe nemen / vnd als
Ehegenossen freundlich halten / vnd bey jnen wonen.

Darumb ist es wider Gott vnd angeborne Natur /
die helffte menschlichs Geschlechts / also verechtlich hal-
ten / als weren sie Gense / gegen den Männern / Darumb
die Weibsbilder aus angenommener heuchelei vnd heilig-
keit verachten vnd schmehen (wie die Lasterer des Ehe-
standes thun) welches ist eigentlich ein hoffart / so vom
Teuffel jren vrsprung hat / vnd ist solch Laster sehr ge-
mein.

S Etliche

7.
Welche Zechler vnd Klüglinge (welche durch vn-
sucht vnd Hurerey sonst der Weibsbilder zu aller schan-
de misbrauchen) wollen wehnen / Es stehet einem tapf-
fern Manne wol an / wenn er die Weibsbilder verach-
te / vnd von frauenlichen Geschlecht viel arges / böses /
höhnisch vñ spöttisch / reden kan. Wie denn in den Poeten
grosse hauffen / viel gesüchter Scheltwort stehen / wider
die Weiber.

So hat auch Hieronymus wider Iovinianum sol-
cher Scheltwort viel zusammen getragen. Als / Weiber
list vnd betrug / gehet vber alles. Item / Wer ein Weib
nimpt / der hat seine gute vnd frölichsten tage alle ge-
habt. Item / Ein Ehemann zeuhet vnglücks hosen an zc.
Solch vnberechtigt heidnisch geschweiz / möchte etwa
jungen Leuten / vbung halben / in der Schule vergön-
net werden / Aber einem Lerer in der Kirchen Christi / als
Hieronymo / hat nicht gebürt / Gottes werck so zulestern.
Gottes Geschöpff ist zu ehren / Vnd igliches / beide Man
vnd Weib / ist lobens werd / Vnd wiewol die Weiber ire
schwacheit haben / sind blöde / zu zeiten auch vbermütig /
vngedültig vnd eigensinnig / aus der verderbung der
Erbsunde / So ist doch auch nicht weniger gebrechen /
mangel vnd schwacheit / an den Männern / in sachen die
Gott den Männern hat auszurichten auffgelegt. Vnd
so man es solte genaw rechen / werden viel mehr gute
Hausmütter / denn gute Hausveter erfunden / Vnd viel
ehrliche / Christliche vnd tugentsame Weiber / richten ir
Ampt viel besser aus / denn die Männer das ire. Auch
viel frome / tugenthaffte Matron / ziehen ire kleine
Kinderlin besser / denn die Männer die höhern sachen / so
inen von Gott befohlen ist / ausrichten.

Vnd so man heiligkeit vnd die Religion wil ansehen
so haben die Weibsbilder sehr ein grosses Lob in der
heiligen Schrifft / nemlich / da die Kirchenhistorien zeu-
gen / das inen Gott reichliche gnade mit geteilet hat /
das sie gar manlich das Euangelium vnd Christum
bekennes

bekennet haben/Wie das die Historien der heiligen Mar-
 terer vnd zeugen Christi anzeigen. Dieses lob/welches
 die Weiber in der heiligen Schrifft vnd Christlichen
 Historien haben / sollen Gottfürchtige hertzen beden-
 cken/solche lesterung vñ Scheltwort wider Gottes crea-
 tur vnd edel Geschepff dempffen helffen / vnd sich ge-
 wehnen / solch frawlich Geschlecht/ in hohen ehren zu
 haben/der Weibsbilder ehre / lob vnd preis helffen for-
 dern / iren guten Namen vnd Leumund verteidigen.
 Denn Weiber also verechtlich halten / oder Gottes ge-
 schöpff zu allem Laster vnd vnzucht misbrauchen/ist
 ein vnfinnig wüthen vñ hoffart vom Teuffel/ Denn nie-
 mand kan leugnenn / das die helffte des menschlichen
 Geschlechts Weibsbild sind. Frage ein iglicher sich
 selbs / Ob seine Mutter ein stein / oder Mensch sey ge-
 wesen?

Darumb sind die Bepste/Cardinel/Bischoffe/Mön-
 che / Thumherrn etc. (das verzweuelte / Teuffliche
 Heuchler volck) auffss aller höchsten / als der ergste Grew-
 el/zuerfluchen/welche mit iren heßlichen vnd schreck-
 lichen sünden/schande / grossen vnerhörten/vnflätigen
 Laster/wider Gott/ehr zucht vnd alle natur handeln.
 Ober das / lestern nicht allein/ die Feinde Gottes vnd
 seines Geschöpffs / diesen reinen/Göttlichen heiligen vñ
 Christlichen Stand / welchen Gott/als sein werck vnd
 heiligen Gottesdienst preiset / Sondern hindern vnd
 verbieten in/mit iren schendlichen schwachworten / bey
 der höchsten straffe / nemlich / bey verlust leibs vnd le-
 bens /in massen/wie man pflaget/Mordbrand/Verrhe-
 rerey des Vaterlands/bey dem halse zuerbieten. Vnd
 das noch mehr ist / lassen sie solche straffe noch teglich
 ernstlich ergehen/erwürgen chrliche vñ Christliche leu-
 te/vmb des heiligen Ehestands willen.

Diese vnerhorre/obermachte vnd heßliche Tyranny/
 ist eigentlich vom Teuffel / vnd ist das rechte zeichen vñ
 Hoffarbe des Aneichristlichen Reichs zu Rom/ da es
 S ij sich

9.
sich hat angefangen/ vnd ist eingerissen durch die ganze Christenheit allenthalben/ wo des Papsts Antichristischen Canones angenommen sind / welche den Ehestand ein unreinigkeit nennen. Darumb sollen wir wissen/ das solche giftige lesterunge von dem Teuffel sind/ Vnd solche Canones / so die Ehe verbitten/ Teuffels leren sind/ Wie denn S. Paulus mit deutlichen vnd klaren Worten. 1. Timoth. 4. sagt. Darumb solt man solche Teuffelslere abthun/ verdammen vnd den Priestern den Ehestand wider frey lassen/ Das sie möchten in rechter Keuscheit vnd ehelicher reinigkeit leben / vnd mit gutem Gewissen Gott dienen/ vnd jres Ampts / welchs das aller höchste vnd schwereste ist/ nemlich / die Kirchen mit rechter vnd reiner Lere zuuorsehen / desto besser warten mügen. Denn Paphnutius sagt recht vnd Christlich. Das der Ehestand vnd die ehelichen werck ein Keuscheit/ vnd heilige reinigkeit sind.

Der dritte Grund der

Widdersacher.

Sie bekennen / das man müge zu dem Priesterampt/ Ehemänner nemen vnd erwelen. Sie sagen aber/ wenn die/ so on Weiber sind / werden zum Priesterampt erwellet / so können sie darnach nicht Weiber nemen. Ich weis sehr wol / das sie solchen behelff den vnsern fürwerffen/ Aber aus keinen Apostolischen Schrifften können sie es beweisen. Vnd es kan solcher jr Grund/ durch klare wort der alten Concilien/ verlegt werden.

Distinct. 28. Cap. Diaconi/ Setzt also das Concilium Ancyranum. Die jenigen / so zum Diacon ampt kommen/ Celibes / das ist/ on Ehestand/ wo sie hernach/ wenn sie zu höherm Grad erhaben werden / Eheliche Weiber nemen/ sol man es jnen nachlassen. Es were denn/ das sie ein Gelübde gethan (kein Weib zunemen) hetten. Denn dieselbe zeit hatte es viel ein ander gelegenheit mit dem Gelübde / Einem jglichen war frey das Gelübde zuthun/ oder zu lassen. So

790.

So leffet nu das Concilium frey den jenigen/ so zu
Priestern erwelet sind/ Eheweiber zu nemen. Vnd sol-
ches wird in der Griechischen Kirchen/ noch also bis
auff diesen tag gehalten/ das die Priester Eheweiber ne-
men/ auch nach der ordination. Vnd stehet geschrieben/
Distinct. 31. ca. Vbi legitur. Die Griechen werden auch/
wenn sie Priester ordiniret sind/ in Ehestand verbunden/
Da deutet die glosa/ Copulantur/ id est/ copulato vtun-
tur. Es ist aber nicht new / das die glosen Sophisterey
einführen.

Woher ist denn das newe verbot auff komen/ das
nach der ordination den Priestern / der Ehestand sol
verboten sein? Von der Römischen vnd Pöpstischen
Tyranney/ ist es herkommen / welche die Ehe zurissen hat/
vnd die künsttigen verbote/ vnd hernach allen Priestern
auffgelegt dis Gelübde/ Sich nicht in den Ehestand zu
begeben.

Ich weis sehr wol / das die Widderfacher/ die da et-
wa ein wenig die Canones gelesen / vnd von Historijs
keinen rechten bericht haben/ dis wort gemeiniglich vnd
offte zugebrauchen pflegen. Ja (sprechen sie) Ehemer
ner / die izund im Ehestande sind/ mügen zu Priestern
wol erwelet werden. Aber denen/ welche anfänglich nit
Weiber haben/ kan oder sol man nicht vergünnen/ Ehe
weiber zu nemen.

Wenn wir hie nach Schrifft aus der Bibel fragen/
so verstummen sie/ können keine anzeigen/ Vnd wir kön-
nen inen des gegenspiels Exempel / beide alt vnd new
von der Griechischen Kirchen anzeigen. Darumb sollen
wir vns von der warheit/ mit solchem betrug vnd So-
phisterey / nicht lassen abschrecken / welche allein aus
dem misbrauch der Römischen Pöpste herkömpt.

Da fragen nu die Widderfacher weiter von den Di-
gamis. Wenn einem Priester sein Eheweib abstürbe/
Ob wir auch dem nachlassen/ ein andere zu nemen? Da
antworten wir/ Ja wir lassen es im nach/ ein andere zu

S ih nemen

91.
nemen. Denn man sol niemand / wider Gottes wort
vnd Freiheit/die Ehe verbieten/Wie S. Paulus. 1. Co-
rinth. am. 7. saget / von den Widwen/ So sie sich nicht
enthalten können /so sollen sie ehelich werden im 3. Er-
ren. Vnd. 1. Thimoth. 5. Ich wil / das die jungen Wida-
wen freien/Kinder zeugen vnd haushalten etc.

Von den Regeln vnd Sprüchen des Apostels /sol
man nicht weichen. So hat die Griechische oder Orien-
tische Kirche / auch nicht verboten den Priestern/nach
des ersten Weibes absterben/ein andere zu nemen. Aber
die jenigen/so also sich verehelichen/werden jres Ampts
entsetzet. Aber solches ist nicht von nöten /ist auch der
heiligen Schrifte nicht gemes / Sondern etliche haben
bereit zur selben zeit / aus einer falschen heiligkeit vnd
heucheley / secundas nuptias / das ist/ zum andern mal
sich verehelichen/ auch an den Leyen verdamnet. Wie
aus Tertuliano vnd Concilio Laodiceno zu sehen ist/
Darumb ist es nicht wunder / das es den Priestern auch
so hart verboten ist.

Warumb solt man aber die Priester jres Ampts/
vmb solcher vrsache willen entsetzen/ So der Apostel
S. Paulus. 1. Timoth. 5. den Widwen nachlesset/wi-
derumb sich zuverehelichen/ Vnd so die Ehe/ein Christo-
licher /heiliger /löblicher vnd ehrlicher Stand ist: Denn
das S. Paulus sagt in beiden Episteln / an Thimothe-
um vnd Titum. Ein Bischoff / sol eines Weibes Man
sein/ Da wil er/das ein Bischoff sol Erbar vnd redlich
sein/ der mit seinem einigem Eheweib zu frieden sey.

Darumb istts gar nicht des Apostels meinung zu
verbieten / nach dem absterben der ersten Frawen/ein
andere zunemen. Vnd derselbige /der ein andere nimpt
nach dem absterben des ersten Weibes (welchen sie Dy-
gamum nennen) ist auch eines Weibes Man /wenn er
sich an seinem fromen Eheweibe genügen lesset / Denn
es were vnrecht / vnd wider Gott / Christliche/ frome
Diener

Diener/ vmb solcher Menschen tradition oder sagung
willen/on grunde der Apostel Schrifft / jres Priesterli-
chen Ampts einsetzen / mit grossen nachteil vnd schaden
der Kirchen. Denn etliche Kirchen würden darüber
gar keine Priester haben/ In etlichen Kirchen würden
ungeschickte an der wolgeschickten stat komen. Tu sol
man aber der Kirchen not/ vnd höchsten Gottesdienst/
das Predigamt gar weit vor ziehen / heuchlischen /
Menschen tradition/die niche von nöten sind.

Der vierde Grunde der Widderfacher.

Etliche brengen ein solche Sophisterey fur / die
nicht werd ist zuuerlegen.

Die obern Magistraten / Könige vnd Fürsten / mü-
gen in eusserlichen / Bürgerlichen sachen / gebot vnd ver-
bot machen nach jrem bedencken. Der Ehestand aber/
ist ein eusserliche vnd Bürgerlich sache. Darümb mag
ein König oder Fürst / ein verbot machen.

Als / ein Fürst hat macht / keinen Priester an seinen
hoff zunemen / er sey denn celegs / das ist Ehelos. Also
mag er auch ein gebot machen / das niemand sol der
Kirchen furstehen / oder im Priesterampte sein / Er sey
denn celegs.

Darauff antworte ich auff's erste / Königen vnd
Fürsten ist nichts allenthalben frey / in eusserlichen vnd
wellichen sachen / gebot zu machen / nach jrem gefallen
vnd muetwillen / Sondern sollen dem Rechten / vnd der
billigkeit gemes / jr Gesetze machen / Also / das sie nicht
wider die Natur vñ Gott sind / Darümb sollen sie nicht
Decret machen / die wider Gottes wort vnd gebot sind.

Das Gerichtampte / vrteil vnd rechte zusprechen / ist
auch ein Politisch / eusserlich ding. Aber darümb haben
Könige vnd Fürsten nicht macht / Gesetze zu machen /
das ein Richter müge vnerkandter sache / einen vnschul-
digen straffen.

Der

93.
Die Könige vnd Fürsten gewalt (sie wollen den Tyrannen sein) hat sein mas vnd ziel / nach Gott vnd natürlichem Rechte. Darumb sollen sie nicht zu weit / wider Gottes gebot vnd natürliche Rechte vnd erbarmliche greiffen / Denn es gehet der spruch Esaie. 10. auch die Könige vnd Fürsten an. Wehe euch / die jr vnrechte Gesetze machet etc.

Vnd das Exempel / das einem Herrn frey ist / in seinen Hoff zu nemen / beweibe Priester / oder Priester die on Eheweiber sind / ist hie nicht für ein gemeine Lere einzuführen. Denn es were ein vnrecht Gesetz / wenn ein König oder Fürste / wolte seinen Edelleuten oder Hoffgesinde verbieten / Ehelich zu werden.

Wenn aber die Herrn wöllen mit gewalt faren / so dürffen wir von der Religion / oder billigkeit vnd Rechte / nicht disputiren. Der Poet rüret vnd straffet Tyranny in der Tragedien / da er sagt / Gott dienen / from sein / erew vnd glauben halten / gehöret gemeinen leuten zu / Die Könige vnd Herrn thun was sie gelüst. Sols die meinung haben / so dürffen wir nicht da von reden / was billich / natürlich / Göttlich oder recht ist.

Wir reden hie nicht dauon / was an der Herren höfen zum prache / bequem vnd gelegen ist / Sondern wie man der grossen misbreuche in der Kirchen los / Item / wie Christlichen Gewissen geraten vnd geholffen möge werden / das sie recht beten / Gott recht anruffen vnd im dienen mügen. Denn leute die böß Gewissen haben / vnd willen vnd fursatz in sünden fort zu faren (wie denn fast alle Papisten / Pfaffen / Ehebrecher vnd Zurentreiber sind) können nicht beten / anruffen / Gott dienen / noch hilffe von im gewarten / Wie die Schriffe saget / Gott erhört die Sünder nicht.

Darumb sollen die Fürsten vnd Bischone solche Gesetz vnd verbot / so ursach zu sünden / schanden vnd lastern geben / vnd die hertzen von Gott abführen / hinweg thun. Vnd sollen wissen / das sie Gote hoch erzürnen / wenn

794.
wenn sie die armen Gewissen also lassen mit vntreglichen/harten Geboten wider Gott/ Natur vñ alle recht/bestriccken vnd gefangen halten. Wie Christus sagt/ Wehe euch / die jr die Schlüssel habt zum Himmelreich / Ir Kompt selbst nicht hinein / vnd die hinein wollen / lasset jr auch nicht hinein gehen / Matth. 23.

Zum funfften sagen etliche.

S. Paulus der verwürfft die Widwen / welche erwelet waren / nach altem Jüdischem brauch / zum Kirchendienst / vnd von der Kirchen ire Narung hatten / vnd hernach freyeten.

Der Spruch S. Pauli an Thimoth. lautet also. Der jungen Widwen entschlabe dich / denn wenn sie geil worden sind wider Christum / so wöllen sie freyen / Vnd haben jr vrteil / das sie den ersten glauben verbrochen haben.

Diesen Spruch ziehen jr viel auff das Gelübde der Priester etc. Ich wil hie nicht subtile glose suchen. Das wort / erster glaube / ist da nicht vom Gelübde zu verstehen / sondern vom glauben in Christum / wie klar zu sehen ist / aus den Worten S. Pauli / welche Kurtz vor her gehen / da er sagt / So aber jmand die seinen / sonderlich seine Hausgenossen / nicht versorget / Der hat den glauben verleugnet / ist erger denn ein Heide.

Denn er schilt da die Widwen / welche sich erstlich züchtiglich gehalten / vnd trewlich gedienet hatten / da sie noch armut liden / Vnd hernach da man sie von Kirchen / aus der gemein erneeret / siengen sie an geil zu sein / vnzüchtig zu wandeln / vnd jr Ampt zu verseumen. Von solchen sagt er / das sie vmb jres vnchristlichen lebens willen / den ersten glauben verbrochen haben / das ist / Christi erkenntnis durch welchen sie anfänglich Gott gefallen hatten / Denn die / so jr Gewissen mit sunden besuddeln / verlieren beide Geist vnd Glauben.

G

Vnd

95
Vnd wenn sie se/die Widersacher / so hart drauf
dringen/das S. Paulus alda vom Gelübte rede/so sind
sie viel mehr durch denselbigen Spruch gestraffet/das
sie zu solchen Gelübden der Keüschheit mehrn teil jungen
Leuten verpflichten/so doch S. Paulus des alters ges
denckte/vnd sagt /man sol keine Widwe auffnemen /sie
sey denn sechzig jar alt.

Vnd ob zu den zeiten der Apostel/etliche Gelübde im
brauch gewesen were/so weren sie doch nicht mit einer
angeheffter /vnchristlicher lere superstition geschehen.
Von den Gelübden aber/der Mönche vnd Priester(so
itzund geschehen) leren sie /Das ein sonderliche heiligkeit
vnd Gottes dienst sey/welchen Gott fordere / d adurch
Gott versönet wird /dadurch sie auch heiliger vnd reiner
sind/das Priesteramt auszurichten vnd Gott zu opfer
fern.

Die Messe/so sie für ein Opfer/für andere rhümen/
vnd für die Lebendigen vnd Todten halten/ist an jr
selbs Abgöttisch vnd zu fliehen/vnd als ein Grewel ab
zuthun. Darümb ist auch das Gelübde nichts / welches
für ein sonderliche heiligkeit gelobet wird / vn geschiche
ymb des abgöttischen Opffers vnd der Messe willen .

Der Apostel spricht/Brüder / hütet euch für Abgöt
terey. Dis ist ein bestendiger vnd gewisser Grunde/ wel
cher on alle zweivel klar anzeigt/ das solche Gelübde vn
bündig sind. Dis ist das erste vnd allerhöchste gebot
Gottes. Darümb alle Gelübde vnd verpflichtung/ so
dawider geschehen/sind unbündig vnd nichts.

Es wurden auch vor zeiten mit Eiden eingenomen/
die sich verpflichten zu der Religion vnd Gottesdienst
Cereris zu Athen(das Eleusina sacra genennet ist wor
den)Aber so der selbige Eide / mit lesterung vnd Abgöt
terey geschach/band er nichts.

Gleich also ist auch zu sagen von dem grewlichen
misbrauch der Messen vnd allem was der selbigen ana
hanger.

796.
hanget. Denn das die Messe wird für die lebendigen vnd
todten gehalten / ist Abgötterey / ein ertichter Gottes
dienst / on Gottes befehl / vnd nicht ein geringer mis-
brauch / des Abendmals des H. Ern. Ihesu Christi / Wie
wir an seinem orte gesagt haben. Geschehen aber solche
Gelübde / vmb der zins / vnd des Bauchs willen / so ist
die grosse heucheley abermals zuverfluchen.

Beschlieslich / so S. Paulus das verbot der Ehe / nen-
net Teuffels lere / So hat es keinen zweifel / das der an-
fang des Gelübdes / da on alle vnterscheid allen Pries-
stern der Ehestand verboten wird / auch vom Teuffel
sey herkommen.

Derhalben sol man es gewis dafür halten / das dis
Gelübde niches sey vnd vnbündig / denn es hat viel gros-
ser gebrechen. Es geschicht nicht willig / sondern der
meinung / das ein sonderliche heiligkeit sey / So geschis-
het auch des bauchs halben / Messeopffer zu thun / Wird
dazu beide jungen vnd alten Leuten / on alle vnterscheid
auffgelegt. So es nu ein Teuffels lere ist / so bindet sie
nicht / vnd sol abgethan werden.

Bisanher habe ich das zusammen gelesen / was das für
nemeste in dieser sache ist. Nu wil ich vmb der ehre Got-
tes vnd des Euangelij willen / gebeten haben / das das
Gegenteil doch auff's wenigste / diese zwey stücke betrach-
ten wollen / Erstlich das S. Paulus der hohe Apostel /
klar sagt / Das die Ehe verbieten / ein Teuffels lere sey /
Denn dis ernstliche wort des hohen Apostels ist hoch-
wichtig / vnd hat mehr in sich / denn jmermehr mit ge-
danken oder reden zuerlangen ist.

Zum andern / Das der hoch treffliche Prophet Da-
niel / welcher der höchsten Patriarchen / vnd heiligsten
Veter vnter der Sonnen / einer gewesen ist / sagt / Es wer-
de des Antichrists Merckmal sein / das er die Ehe ver-
bieten wird / vnd der Frayen nicht achten. Diese kurzen
aber wichtigen wort vnd vermanungen / wöllen gar
hochwichtige sachen anzeigen.

G ij Ist nu

97
Ist nu diese heucheley / falsche heiligkeit vnd reinig-
keit / on mittel vom Teuffel / vnd wird diese lere vom An-
tichristo / welchen S. Paulus (ein menschen der sunde
nennet) ausgebreitet mit Tyranny verteidiget / So hats
kein zweifel / das der Teuffel / als der giftigste vnd bit-
terste Feinde Gottes / vnd sein Rüstgezeug / der Antichrist
mordlichen / grossen schaden in der Kirchen gethan ha-
ben .

Wolt Gott / Es weren jr viel / die solche schreckliche
verwüstunge zu hertzen nemen / Denn billich sol man
doch zu hertzen führen / vnd recht ansehen / wie vnerhorte
zerrüttung / alle Gottes furcht / natürliche erbarkeit / alle
tugend vnd zucht / das lesterliche verbot des Ehestands
eingefüret hat. Denn hie auff Erden in der Welt (da
der Satan ein Fürst dieser Welt vnd finsternis ist) gehet
es also / das aus geringen sunden / jmerdar grösser sunde
vnd Grewel erfolgen .

Sie können ja gar nicht leugnen / noch etwas ver-
menteln / Es ist vngementelt vnd vngedeckt / ja es ist öf-
fentlich an dem tage / das der mehrer teil der Bischoue /
Cardinel / Thumherrn / Mönchen vnd Pfaffen / mit
Ehebruch / Hurerey / allerley laster vnd vnzucht / besud-
delt sind. Diese laster brengen verblendung vnd verstor-
ckung / Das endlich auch Menschen vernunfft oder syn-
nicht mehr da sind / schweige denn Gottes geist / sondern
eitel viehisch / vertollet wesen. Wie S. Paulus an die
Epheser am 4. cap. sagt. Die / sintemal sie verrückt sind /
ergeben sie sich der vnzucht / vnd treiben allerley unrei-
nigkeit / sampt dem Geitz .

Welcher Mensch aber auff Erden / wolte nicht las-
sen / vnd wie ein Grewel fliehen / das gar bübische / vn-
züchtige / vnflätiges / schendlichs / ehrlos / Gotelos leben
vnd wesen / in aller Thumherrn / Stifften / durch das
ganze Europa. So weis iderman sehr wol / was Rom
erst fur ein Cloack / vnd fauler / stinckender Sumpff / al-
ler solcher sunde vnd schande ist / die auch zubedencken /
schweige zu nemen / grewlich sind. Wie

Wiewol nu etliche vnter dem Gefengtnis gewesen
sind / die grosse mühe vnd arbeit haben furgewant /
Keuscheit zu halten / irem Gelübde nach / So sind doch
darüber ire Gewissen oft in mechtige angst vnd be-
schwerung komen / Vnd viel fromer redlicher Leute / ha-
ben hertzlich vnd jemerlich geklagt / wie in grewliche vñ
ferliche sunde / sie darüber gefallen sind.

Itzund in dieser zeit / so man durch das Euangelium /
wider das reich Antichristi vñ Antichristische lere kemp-
ffet / Greiffen die Widersacher zum Schwert / erwürgen
frome / vnschuldige Priester / vmb des Ehestands wil-
len / Welches eben ein solch gut werck / vnd Gottesdienst
ist / als andere Mord vnd Verrheterey / so der Papst vnd
die Cardinel / an Keiser / Königen / Fürsten vnd Herrn /
getrieben haben / vnd treibens noch on vnterlas / so viel
inen möglich ist.

Es hat aber keinen zweuel / das solche Tyranny
vom Teuffel ist / welcher daran seine lust vnd grosse
freude hat / das er sehe Gottes wort vnd Namen lestern
vnd schmehen / Gottes kinder vnd Heiligen / vmb solcher
vrsache willen / erwürgen.

Darumb ist gewislich das Antichristisch verbot (so
mans recht ansihet) durch welches der Ehestand verhin-
dert vnd verboten / ein Grund vnd Wurtzel / darauff viel
ander Abgöttisch vnd Gottlos wesen / des Papstums
stehet. Denn es würde gar ein grosses teil / der Papistis-
schen vnd Abgöttischen Ceremonien fallen / Dazu ein
grosses teil der pracht solcher heiligkeit abgehen / Wenn
der Ehestand den Priestern würde wider frey gelassen.

Darumb alle Fürsten vnd Bischoue / so das Ehe-
los leben verteidingen helfen / bestetigen die grewliche
Teuffelslere / da fur S. Paulus vns warnet. 1. Thim. 4.
Vnd stercken das Reich Antichristi / Helffen vermehren
vnzucht / laster / sunde vnd schande / Helffen loben / so viel
an inen / den Satanischen Grewel / der aller ergesten vñ
höchsten bosheit zu Rom / Machen sich teilhassig als
G iij les vns

897
les vnschuldigen blutes von Habel an / wie Christus sa-
get / so sie die glaubigen Christen helfen erwürgen (vnd
welches das greulichst) helfen wider Gott / ehr vnd
warheit / erheben / so viel grosser / greulichcher Abgötterey /
Fallen abe von Gott / irer Tauffe vnd Euangelio / vnd
hängen an dem Reich aller lügen.

Für solchen lastern vnd ferligkeit / vnd furnemlich
für Gottes zorn / sollen alle Gottfürchtige erschrecken /
vnd dis Verbot des Papsts fliehen / helfen ab-
thun vnd verdamnen . Gott erhalte sein
heiliges Wort / vnd öffentliche
Warheit / **A M E N .**

Gene. 1. Gott schuff den Menschen im zum Bilde /
zum Bilde Gottes schuff er in / Vnd er schuff sie ein
Menlin vnd Frewlin. Vnd Gott sprach zu inen / Seid
fruchtbar vnd mehret euch / vnd erfüllet die Erden / vnd
mache sie euch vnterthan etc.

Gene. 2. Vnd Gott der **HERR** sprach / Es ist nicht
gut / das der Mensch allein sey / Ich wil im ein Gehülfa-
fen machen / die vmb in sey .

Da lies Gott der **HERR** einen tieffen Schlaff fallen
auff den Menschen / vnd er entschliess / vnd nam seiner
Reiben eine / vnd schlos die Stet zu mit Fleisch. Vnd
Gott der **HERR** bawet ein Weib aus der Reibe / die er
von dem Menschen nam / vnd brachte sie zu im . Da
sprach der Mensch / Das ist doch Bein von meinen bei-
nen / vnd Fleisch von meinem Fleisch / Man wird sie
Mennin heissen / darumb das sie vom Manne genos-
men ist.

Darumb wird ein Man seinen Vater vnd seine Mut-
ter verlassen / vnd an seinem Weibe hängen . Vnd sie
werden sein ein Fleisch .

Christus Matth. 19 . So sind sie nu nicht zwey / son-
dern ein Fleisch . Was nu Gote zusammen gefüget hat /
das sol kein Mensch nicht scheiden .

Johan .

Johan. 2. Am dritten tage / ward ein Hochzeit zu
Cana in Galilea / Vnd die Mutter Ihesu war da. Ihesu
aber vnd seine Jünger / wurden auch auff die Hoch
zeit geladen etc.

1. Pet. 1. Die Ehe sol ehrlich gehalten werden bey
allen / vnd das Ehebett vnbefleckt. Die Hurer vnd Ehe
brecher wird Gott richten.

1. Corin. 7. Umb der Hurerey willen / habe ein jg
licher sein eigen Weibe / Vnd eine jgliche habe jren eis
gen Man.

1. Timoth. 3. vnd Tit. 1. Es sol ein Bischoff vna
strefflich sein / eines Weibes Man etc. der gehorsame
Kinder habe mit aller erbarkeit / Denn so er seinem eigen
Hause nicht weis furzustehen / Wie wird er die Gemeine
Gottes versorgen?

1. Timoth. 4. Der Geist aber saget deutlich / das in
den letzten zeiten / werden etliche von dem Glauben abs
treten / vnd anhangen den verfürischen geistern vnd
leren der Teuffel / durch die / so in gleisnerey Lügenre
der sind / vnd brandmal in jrem Gewissen haben / vnd
verbieten Ehelich zu werden / vnd zu meiden die
speise / die Gott geschaffen hat / zu nemen
mit dancksagung den glaubigen
vnd denen / die die Wars
heit erkennen.

Bedruckt zu Hall in Sach
sen / durch Hans
Frischmut.

Epigramma quo contra Papalia
Monstra commendatur coniugium piuum.

Quicumq; insano renuit connubia fastu /
Coniugij autori / displicet ille Deo.
Namq; adeo infectus primaevae crimine culpa /
Dum vitae adfectat non nisi suave genus.
Non videt esse Dei munus / quod sancit ipse /
Sancitumq; sua pro bonitate iuvat.
Sed natus vitij viuit / vitijq; senescit /
Inuenit in vitij et sua fata suis.
Inunc et mundo vitam mentire pudicam /
Inunc cum Monachis impie Papa tuis.
Ite quibus sordet civilis munia vitae /
Quae parit a magno consita planta Deo.
Ite quibus sordent tenerae Davidis oliuae /
Et quibus humanum prodijt omne genus.
Et quibus imperia / et leges nascuntur / et vrbes /
Longinqua celebrent ut pietate Deum.
Dum loquor / exitium / foelix / tibi nunciat omen.
Inunc cum Monachis impie Papa tuis.
Finis.






29 3471

X 2206743


h c






170







7.24
751.

Eine Schrift Philip. Melanth.
Latinisch gestellet zu Schmal
kald/Wider den unreinen Papsts Celibat /
vnd verbot der Priester Ehe / ver
deutsche durch

Iustum Jonam Sacerdotem /
Welcher igund wider den Papst vnd sein
Decret/zum ander mal sich in heiligen
Ehestand begeben hat.



M. D. XLIII.

3394

